



DEO OPTIMO MAX. UNI ET TRINO,

VIRGINI DEIPARÆ, ET S. LUCEÆ,
Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS
manè discutienda in Scholis Medicorum, die Jovis decimâ-quintâ
Februarii, anno Domini M. DCC. XLII.

M. HYACINTO-THEODORO BARON, Filio,
Doctore Medico, Præside.

An fracto Cranio semper admovenda Terebra?

I.



EREBRUM, nobile illud spiritûs animalis & vitæ promptuarium, cum loci sublimitate, tam substantiæ mollioris friabilitate, exterius undique pateret insultibus, nisi ossæ veluti galeâ ipsum munisset Natura prudens. Sed ex ipso securitatis fonte manat periculorum uberrima scaturigo. Ipsa Calvaria soliditas in Hominis detrimentum sæpè vertitur. Iruentium mole ac impetu graviter læduntur Integumenta, periculose contunditur Pericranium, idè quod subiecta obnitatur Calvaria. Effracto Cranio, prominentia quandoque ossium acumina membranas excruciant. Alias effusus per collisionem humor difficultas excernitur, aut contrasæ Meninges commotivæ Cerebrum Resolventium beneficiis minis fruuntur, quoniam præcludit iter solidior pixidis ossæ substantia. Hinc percusso vehementer Capite, horrenda pullulat Symptomatum caterva. Homo concidit

A

exanimis, caligant Oculi, surdescent Aures, obmutescit Lingua, Sanguinem Auribus, Naribus, Oculis excernit; sequitur Nausea Bilisque Vomitus; mox sævitur ut plurimum acutissima Febris; Caput dolet, imprimis quâ parte percussus est: vertigine corripitur æger, spirandi difficultate, Vetro, Stupore, Paralyti, Convulsione, Delirio. Sic afflictis ægroti rebus, quodnam adhibendum auxilii genus? Cujusnam implorabis opem? Jam adsunt qui, compertâ in Cranio rimâ, Trepanum prædicant: jam terribilem instrunt operationis apparatus. At siste Manum. Humano Capiti ferrum immittere non licet, nisi de Operationis necessitate constiterit. Non semper celebranda Operatio, quæ nunquam expers periculi, aliquando inutilis est.

I I.

CORPORUM contudentium durior hebetudo graviorque moles periculosissimè caput afficiunt. Hæc, Cranium diffringendo, Meningibus intrudunt ossium fragmenta, spiculis suis exquisitissimi sensûs membranas crudeliter lacerant. Est ubi tabula ossium exterior, spongioso Diploe innixa, impingenti resistit telo, dum interna, tenuior, nec pari adminiculo suffulta, dissilit. Sæpe ultrâ Cranium propagatur frangentis energia, & Cerebrum obvolvensesque Membranz contunduntur. Siâ disruptis commoti Cerebri aut duræ Matris lacerata vasis, intrâ Cranium effunditur humor, qui mole Cerebrum comprimens, & acedine, quam morâ contrahit, Membranas irritans, dira suscitât symptomata. Porro si tactu visuve pateat ossa, sub ipso ictu depressa, Cerebrum comprimere Membranasque pungere; si auctis, vel non remittentibus Symptomatis, ex sapientis Medici judicio, effusus intra Cranium stagnet humor; si nec ossium fragmenta remove, nec ipsis remotis liceat depressas partes restituere, aut effusis liquoribus exitum concedere, haud morâ solers admoveatur manus. Nudetur Cranium, si vulnere omnino non, vel non satis nudatum fuerit. Mox Ossi admoveatur Terebra, quam undequaque æqualiter serrantem leniter prudenterque circumagat Chirurgus. Tum resectus Cranii orbiculus Elevatorio educitur, totiesque iterum applicatur Terebra, donec satis patens sit Chirurgi foramen. Hæc viâ, licebit illico Ossis fragmenta, subjectis infesta Meningibus, eximere Volsellâ, Forficibus excindere, Vecte elevare, Meningophylace adæquare, Cruorem Venis effusum exhaurire vel Saniem, læsis demùm Meningibus remedia commodiùs admovere. Quod si, operatione peractâ, ex humore lividis Meningibus coercito, non remittant Symptomata, nihilque, osse terebrato, profluat, Scalpellâ cuspide Membranas attingere ne dubites. Sic prudenter administratæ operationis felix laudabitur eventus, aut si minùs prosperè cesserit, non criminabitur Operatio, cujus occasio fuerit Necessitas.

I I I.

UT variæ sunt Fracturarum Cranii differentiz, sic variâ illis decernenda curandi methodus. Non semper eadem est ictuum casuumque vehementia, non est in omnibus eadem Calvariz soliditas, nec semper est idem Fracturarum modus. Nunc exteriorem tantùm vel utramque Ossis tabulam capillaris Fissurâ dividit; modò evidentior est rima, licet nullis prominentibus aculeis aspera, & apprimè conviventibus Fracturæ marginibus. Frangendo Cranium sæpe totus impenditur frangentis impetus, dum intacta manet Membranz Vascularumque continuïtas. Sic læso mitiùs Capite, non te deterreat Symptomatum vehementia. Hæc ut ab effusis intrâ Cranium humoribus aut pungentibus ossiculis quâr-

doque procedunt, sic etiam aliquando à solâ membranarum leviori Contusione ipsarumve Phlogosi, ducunt originem. Dura Meninx, Cranio firmiter undique adherens, collisionis impetum perferentit ipse vellicaturque. Contundentis impetu, Carotidis externa ramuli, Capitis integumenta perrepantes, fortiter comprimuntur: hinc Sanguis ipsis contentus, tum versùs capillares tubulos validè cogitur, tum versùs Carotidis truncum refluit impetuosiùs. Sic in omnibus Carotidis externa furculis, majori molè & citatori motu actus Cruror, ruit quâ minor est resistentia, ruptisque repagulis, vel tumorem in parte remorâ suscitât, vel Naribus, Auribus, &c. profluit. Dura Matris Arteria, tum & Carotis interna, hujus quoque refluus participes, Sanguinem vehementiùs propulsum uberius excipiunt & dilatantur ampliùs, hinc ingurgitantur inflammanturque Membrana: hinc intercurrentibus Arteriis medullaris comprimuntur Cerebri substantia, eò magis quòd Phlogosi convulsæ Meninges, arctando Calvarie sinus, Sanguini moram pariant in Cerebro. In Nervos etiam propagatur strictura & irritatio Meningum, quæ ipsis assidue comites involucria suppeditant. Sic imminutâ, cohibita, perversâ Spirituum distributione, tota cohibetur pervertiturque motuum animalium æconomia: Numquid hæc omnia Trepani necessitatem arguunt? Minimè. Imò Terebræ applicationem, quæ ex se nunquam expers est periculi, aliquando inutilem esse meritò affirmaveris.

L V.

IDEO Fracturæ Cranii admoveatur Terebrâ ut effusus & stagnantibus humoribus aperiatur iter, vel depressæ resurgantur partes. Quæ Calvaria Fracturam committens Symptomata Trepanum non semper expostulant, sed operationem dehortantur, si paululùm remiserint. Compresso sub benigniore Fracturâ Cranio, dura Meninx, quæ ipsi firmiter alligatur, distrahitur, inflammatur, rumpuntur ipsius connexionis funiculi: sed quid distractâ? Quid à Cranio sejunctâ, aut inflammatâ durâ Meninge proderit Trepanum? Largioribus & repetitis Sanguinis missionibus, extremè tenui Victu, Resolventium cephalicorum applicatione, instituenda est humoris in Meningibus harentis discussio. Sic, inquit Ruischius, * tam solers in Chirurgicis, quàm perspicax in Anatomicis, non rarò felicissimè opem tulit verâ etiam Cranii Fracturâ laborantibus, quorum capitibus jam Scalpelli incisuram imminuebat. Depletis Venæ sectione valis, in libertiorem ipsorum alveum eructabant capillaria sanguinem, quo nimium turgent. Tenuis fomenti discutientis partes, intra Cranium admisse, nimis hærentes aut Revulsionis imperio minus obsequentes fauces attentabant & solvent. Non timeas ne ex ruptis Calvarie ossibus exudans humor acredinem concipiat aut descendat in Meninges. Roris istius stillatio, quæ in cæterorum ossium fracturis, ipsorum ferruminationi confert, fracto Cranio simile conferet emolumentum. Absit credas exiguam duræ Matris à Cranio divulsionem humoris intra Cranium effusioni ansam necessariò præbere; Periclitæum, in simplici Artuum fracturâ ab osse sejunctum, rursus cum eo facile glutinatur sine effusionis metu: quidni & dura Mater, quæ Periosteï vices gerit? At quæris undenam, ingruentibus Symptomatis, certò constabit nullum intra Cranium effundi liquorem, nullosque adeo pungentes officulos? Expecta paulisper. Videas num Remediorum plû remittant Symptomata. Pungentia ossium acumina, & effusus intra Cranium humor vulgaribus non cedunt prædiis. Num ex illorum applicatione mitescent omnia? Humorem circulationis legibus subijci, spiculorumque absentiam certò conicies, & incæptam medicamentis absolves curationem.

* Observ.
Chirurg.
lx.

A PAGE igitur eos, qui, fracto Cranio, ad Trepanum semper trepidi concurrerent. Ne dicant Terebræ applicationem non adeo reformidandam esse. Quid semper perforares Calvariam incertus effusionis in Cranio, compressionisve? Non sic liceat experimenta per mortes agere. Crudelitatis aut ignorantia merita incurreret labem, qui sine necessitate operationem aggredereetur, unde pro incertâ levaminis spe, certa venirent ægotanti pericula. Quid autem non timendum ex levioribus operantis Chirurghi peccatis? Si nempe, vel nimis, vel inæqualiter Terebram agitando, duram Meningem attigerit Serrâ: quid, si quâ parte applicatur Trepanum, duæ ossis tabulæ se se contingant, ut non rarò visum est? Quid si duræ Mattis Arteria, quæ internam ossium superficiem perreptare solet, profundo includatur sinu, aut ossæ complectatur laminâ? Tunc enim ossis & arteriæ simul perficitur excisio, vel dum resecta ossis pars educitur vecte, inclusa quoque abripitur arteria. Num feliciter operatio peracta est? En ab aere circumfuso imminet non leve periculum. Nihilne involvit timoris diuturna duræ Meningis denudatio, ipsius Phlogosis haud infrequens causa? Nihilne affert discriminis Capiti foramen infligere, nonnisi post exfoliationem lentissimam ocludendum? Uno verbo sic semper celebratâ operatione, sæpe decumberet in lecto per quinquaginta dies, non ex morbo, sed ex operatione ægotans, minime in rebus Nonnaturalibus errore capite plectendus, qui convenienti remediorum usu intra paucos dies incolumis evasisset. Hæc igitur te doceant reformidare, tibi que sapientem incutiant metum. Admoveas Trepanum, sed nunquam admoveas inutiliter. Quæ jubet Prudentia ut Terebræ, cum certa sunt effusionis compressionisque signa, hæc eadem postulat ut non omni Fracturæ Trepanum applies. Magnum Chirurgiæ principem auscultata Celsus, * qui fracto filiove Ossæ, experiri Remedia multò meliùs esse judicavit, quàm admoveere Ferramenta. Sic prudenter cunctando nonnunquam restituitur res, inutilisque declinatur Operatio, ægotanti plerumque luctuosa.

* Lib. VIII.
Cap. IV.

Ergò fracto Cranio non semper admoveenda Terebra.

DOMINI DOCTORES DISPUTATURI

M. Claudius-Carolus de Jean.
M. Franciscus-Felicitas Cochu,
Scholarum Professor designatus.

M. Joannes de Dieff.
M. Josephus de Jussien.

M. Thomas-Renatus Gafnier.
M. Philippus Davier de Bre-
ville, Dotaria Hispantiarum
Reginæ Medicus perpetuò
Ordinarius, & Chirurgia
Professor.

M. Ludovicus-Florentius Bel-
lot.

M. Henricus-Franciscus Bour-
delin, Scholarum Professor.

M. Guillelmus de Magny.

Proponerebat Parisiis THEODORUS BARON D'HENOUVILLE, Parisinus,
Baccalaureus Medicus, A. R. S. H. 1742. à sextâ ad meridiam.

Typis QUILLAU, Universitatis & Facultatis Medicinæ Typographi.